

Dakwah kepada Golongan Muallaf Orang Asli di Kelantan

Razaleigh Muhamat @ Kawangit, Abd. Ghafar Don & Abu Dardaa Muhammad

Abstrak

Artikel ini bertujuan untuk mengetengahkan aktiviti dan pendekatan dakwah kepada masyarakat Muallaf Orang Asli di Kelantan. Bagi mencapai tujuan tersebut beberapa organisasi dakwah telah dipilih oleh kajian ini seperti Majlis Agama Islam Kelantan (MAIK), Islamic Outreach ABIM, Kok Lanas Kelantan (IOA Kelantan) dan Jabatan Hal Ehwal Orang Asli Kelantan (JHEOA Kelantan). Pengumpulan data melibatkan metode kepustakaan dan lapangan. Manakala penganalisaan data pula menggunakan metode deduktif dan induktif. Hasil kajian mendapati bahawa aktiviti dan pendekatan dakwah yang dilaksanakan oleh organisasi tersebut terhadap masyarakat Muallaf Orang Asli di Negeri Kelantan telah mendapat sambutan yang sangat baik daripada golongan Muallaf.

Kata Kunci: Dakwah, Muallaf, Orang Asli, Organisasi, Kelantan

Pengenalan

Dakwah kepada masyarakat Muallaf Orang Asli di Negeri Kelantan telah dilakukan oleh pelbagai organisasi dakwah di negeri ini. Di antara organisasi yang terlibat secara langsung dalam aktiviti dakwah di negeri ini ialah Majlis Agama Islam Kelantan (MAIK), Islamic Outreach ABIM Kok Lanas Kelantan (IOA Kelantan) dan Jabatan Kemajuan Orang Asli Kelantan (JKOA Kelantan). Terdapat pelbagai pendekatan dakwah yang dilakukan oleh organisasi tersebut meliputi aspek pendidikan, sosial dan ekonomi pada setiap tahun. Pendekatan dakwah yang dianjurkan tersebut amat penting demi melihat Muallaf Orang Asli berpegang

teguh kepada agama Islam. Artikel ini akan membincangkan tentang pendekatan dakwah kepada Muallaf Orang Asli di Negeri Kelantan.

Pendekatan Dakwah terhadap Muallaf Orang Asli di Kelantan

Secara umumnya, terdapat pelbagai pendekatan dakwah yang boleh dipraktikkan untuk menyebarkan dakwah Islamiah secara efektif kepada masyarakat Muallaf Orang Asli. Dalam konteks pendekatan dakwah kepada masyarakat Muallaf Orang Asli di negeri Kelantan, ianya adalah berlainan di antara jabatan-jabatan atau agensi dakwah seperti Majlis Agama Islam Kelantan (MAIK), Islamic Outreach ABIM Kelantan (IOA) dan JKOA Kelantan. Berikut adalah pendekatan yang telah dianjurkan oleh agensi-agensinya tersebut.

Majlis Agama Islam Kelantan (MAIK)

Majlis Agama Islam dan Adat Istiadat Melayu Kelantan telah ditubuhkan oleh Sultan Muhammad ke IV pada 17 Safar tahun 1334 Hijrah bersamaan dengan 24 Disember 1915. Di antara lain ia bertujuan untuk mentadbir dan memajukan kumpulan harta baitulmal dan zakat orang-orang Islam, mentadbir kehakiman Islam dan juga mentadbir mengenai persekolahan Agama dan Arab, juga untuk meningkatkan kegiatan dakwah Islamiah serta memperkemaskan lagi kegiatan mengawal segala kegiatan maksiat dan segala bentuk penyelewengan dalam Islam.

Dengan tertubuhnya Majlis Agama Islam dan Adat Istiadat Melayu Kelantan pada tahun 1915 itu, maka sistem pentadbiran agama Islam di negeri ini menjadi bertambah kemas tersusun rapi, baik dari segi pentadbiran bahagian zakat ataupun Baitulmal, dan khususnya dalam soal mengeluarkan fatwa-fatwa yang dipertanggungjawabkan kepada Jemaah Ulamak Majlis Agama Islam yang dianggotai oleh ulamak-ulamak yang terkenal dan telah diakui kealimannya (Rohani 2009:8).

Pentadbiran MAIK pada awalnya terletak di bangunan Pejabat Tanah Jajahan Kota Bharu Kelantan. Kemudian pada 19 Ogos 1917, berpindah ke bangunan kayu bersebelahan Masjid Muhammadi. Pada 16 Februari 1990 berpindah ke bangunan baru dan sekarang terletak berdekatan dengan JAHEAIK, kompleks Balai Islam. Majlis ialah

sebuah badan yang beroperasi serta mempunyai kuasanya yang tertentu sebagaimana termaktub dalam undang-undang Majlis Agama Islam Tahun 1994 (No.4/1994). Selain daripada menolong dan menasihati ke bawah Duli Yang Maha Mulia Al-Sultan selaku Ketua Agama untuk semua perkara perkara yang berkenaan dengan agama Islam di negeri ini dan adat mengenai adat Istiadat Melayu (yang tidak berlawanan dengan hukum syarak). Majlis merupakan badan induk agama yang tertinggi yang bertujuan mengawal hal ehwal agama Islam di negeri ini. Bidang Kuasa Majlis menurut apa yang tercatat di dalam Enakmen Majlis bilangan 4 Tahun 1994 adalah seperti berikut:

1. Sebagai penguasa wasiat, pentadbir pusaka orang Islam di negeri ini dan juga sebagai pemegang amanah
2. Menjalankan urusan kontrak dan mentadbir harta benda yang ada pada atau terletak hak kepada Majlis termasuk memperniagakannya menurut kehendak hukum syarak.
3. Berkuasa mengadakan dan mengurus rumah kebajikan untuk anak yatim dan lain-lain.
4. Merancang dan melaksanakan apa-apa kegiatan bagi tujuan meninggikan taraf umat Islam
5. Berusaha ke arah memajukan sosio ekonomi umat Islam di mana Jemaah Ulama' Majlis bertindak selaku penasihat.
6. Berkuasa menubuhkan perbadanan-perbadanan untuk menjalan, menjaga, mengelola dan menguruskan sebarang projek skim atau enterprise dengan persetujuan KDYMM al-Sultan.

Majlis Agama Islam Dan Adat Istiadat Melayu Kelantan pada amnya mempunyai objektif keagamaan yang menyeluruh terutamanya objektif yang dapat membantu ke arah:

1. Menyampaikan Dakwah Islamiyah dengan cara menyeluruh dan berkesan
2. Membentuk dan mewujudkan sebuah masyarakat Islam yang dinamis dan progresif yang sentiasa mencari keredhaan Allah
3. Memupuk keimanan dan mengukuhkan ukhwah Islamiah di kalangan orang Islam di negeri Kelantan khasnya dan Malaysia amnya bagi mencapai perpaduan ummah

4. Memperbanyakkan usaha-usaha kebajikan dan mencegah kemungkaran di dalam masyarakat Islam
5. Melaksanakan usaha-usaha menambah harta Majlis Agama Islam melalui pelaburan dan usaha-usaha yang lain bagi faedah kebajikan umat Islam.

Oleh itu, bagi mencapai objektif tersebut, Majlis Agama Islam dan Adat Istiadat Melayu telah menyusun beberapa strategi seperti:

1. Mewujudkan sebuah organisasi pentadbiran yang mantap dan berkesan bagi melaksanakan fungsi dan matlamat penubuhan majlis
2. Memperkemas dan memperluaskan bidang usaha dan kegiatan dakwah dan tarbiyah (pendidikan) agama demi mempertingkatkan kefahaman Islam dikalangan masyarakat
3. Memperkemaskan dan memperkembangkan aktiviti-aktiviti pembangunan ekonomi
4. Mewujudkan institusi kebajikan bagi meningkatkan kegiatan amal bagi mengatasi masalah kemasyarakatan umat Islam di kalangan fakir miskin, saudara baru, anak yatim dan lain-lain.
5. Menggalak dan mempergiatkan penglibatan masyarakat di dalam aktiviti-aktiviti bercorak keagamaan dan amal kebajikan.

Terdapat 3 bahagian penting di dalam MAIK yang berfungsi sebagai induk majlis iaitu Bahagian Pentadbiran dan Kewangan, Bahagian Agama dan Bahagian Pembangunan. Bahagian Pentadbiran dan Kewangan. Ketiga-tiga bahagian ini adalah penting dalam organisasi pentadbiran majlis bagi menentukan kecekapan dan kelancaran pentadbiran yang berkesan. Bahagian ini mempunyai lima unit iaitu Unit Pentadbiran, Unit Kewangan, Unit Darul Aitam, Unit Urusetia dan Unit Perpustakaan.

Bahagian agama diwujudkan bagi memikul sebahagian daripada fungsi penting majlis. Ia memainkan peranan yang besar dalam lapangan dakwah, fatwa, kebajikan, pembangunan dan lain-lain. Selain Baitulmal, bahagian ini mengandungi tiga unit iaitu Unit Dakwah, Unit Hal Ehwal Masjid dan Unit Penerbitan. Bagi bahagian pembangunan majlis, ia memainkan peranan penting dalam sektor ekonomi dan pembangunan fizikal serta bertanggungjawab merancang sumber pendapatan majlis

menerusi berbagai-bagai aktiviti menurut ketetapan kuasa yang ada. Bahagian ini mengandungi tiga unit seperti Unit Baitulmal, Unit Zakat dan Unit Pembangunan Projek (www.maik.Kelantan.gov.my).

Pendekatan Dakwah MAIK

Majlis Agama Islam Kelantan (MAIK) mempunyai peranan besar dalam perkembangan Islam di negeri Kelantan. Dalam konteks pendekatan dakwah kepada masyarakat Muallaf Orang Asli, ianya dilaksanakan merangkumi aspek pendidikan, sosial dan ekonomi. Di antara pendekatan dakwah yang dilakukan oleh Majlis Agama Islam Kelantan (MAIK) adalah seperti berikut:

1. Pendidikan: Kursus Fardu Ain

Dalam tahun 2008, sebanyak 3 siri kursus Fardu Ain telah diadakan. Program ini anjuran bersama MAIK, JAKIM, JKOA Kelantan/Terengganu. Siri pertama diadakan kepada wanita Muallaf Orang Asli di Balai Islam Lundang Kota Bharu. Seramai 23 orang peserta telah menyertai program tersebut dan mereka terdiri daripada masyarakat Muallaf Orang Asli kawasan Kuala Betis, Hendrop, Tuel, Galang, Tohoi, Sungai Rual dan Pos Brooke. Siri kedua juga telah diadakan di Balai Islam Lundang Kota Bharu. Kursus kali ini terdiri daripada belia Muallaf Orang Asli daripada kampung Lambok Kuala Betis, Kg. Galang, Pos Hau, Pos Tuel, Pos Hendrop, Pos Brooke, Lebir, Sungai Rual dan Pos Tohoi. Seramai 28 orang telah mengikuti program tersebut. Manakala siri ketiga diadakan juga di Balai Islam Lundang. Kursus kali ini terdiri daripada kaum wanita Muallaf Orang Asli. Seramai 30 orang peserta telah mengikuti program tersebut yang terdiri daripada Pos Kuala Betis, Kuala Lah, Galang, Ladoi, Tuel, Hendrop, Pos Brooke dan Sungai Rual (Norhazani 2009:52).

Pada tahun 2009, kursus Fardu Ain telah diadakan di Balai Islam Lundang, Kota Bharu Kelantan yang dianjurkan oleh Majlis Agama Islam Kelantan dengan kerjasama JKOA Kelantan dan Terengganu, Jabatan Kemajuan Islam Malaysia (JAKIM) dan Jabatan Hal Ehwal Agama Islam Negeri Kelantan kepada belia Muallaf Orang Asli Negeri Kelantan. Peserta yang terlibat adalah dari beberapa buah kampung

seperti Pos Brooke, Hendrop, Tuel, Kuala Betis, Kuala lah dan Pos Pasik (Mohd.Zamri 2010:1)

Pada tahun 2010, sebanyak tiga kali kursus Fardu Ain kepada Saudara baru Orang Asli telah diadakan. Program ini adalah anjuran bersama MAIK, JAKIM dan JKOA Kelantan/Terengganu. Kursus ini telah diadakan di Pusat Tarbiah Kok Lanas sebanyak dua kali dan di Balai Islam Lundang, Kota Bharu sekali (Ahmad Nordin 2010:1). Seterusnya pada tahun 2011 pula, sebanyak dua siri kursus Fardu Ain telah diadakan kepada 'Saudara Baru' Orang Asli. Program ini anjuran bersama MAIK dan JAKIM dengan kerjasama JKOA Kelantan/Terengganu. Siri pertama diadakan kepada wanita Muallaf Orang Asli di RPS Kuala Betis, Gua Musang. Kursus yang diadakan itu mengenai asas kefahaman Islam. Seramai 30 orang peserta telah menyertai program tersebut. Manakala siri kedua diadakan kepada kaum lelaki Muallaf Orang Asli di RPS Kuala Betis, Gua Musang. Pada siri ini kursus yang sama diadakan. Seramai 30 orang peserta juga telah menyertai program tersebut (Ahmad Nordin 2010:5).

2. Pendidikan: Kursus Guru Agama Orang Asli

Kursus ini diadakan kepada guru agama Orang Asli yang dilantik bagi memberi latihan dan bimbingan agama secukupnya terutama dalam bidang dakwah kepada Muallaf Orang Asli. Tujuan program ini adalah untuk mengkaji pelbagai masalah yang berkaitan dengan tugas dan perkhidmatan Guru Agama Orang Asli di samping memberi taklimat mengenai strategi dakwah. Pada tahun 2008, Kursus Guru Agama Orang Asli diadakan sebanyak dua kali iaitu bertempat di Masjid Annur Kota Kubang Labu Wakaf Baru, Tumpat dan di Masjid Muhammadi Kota Bharu (Ahmad Nordin 2010:6). Pada tahun 2009 dua siri khas kursus guru agama Orang Asli telah diadakan di Kompleks Islam Jubli Perak Sultan Ismail Petra, Panji Kota Bahru. Siri pertama, peserta yang mengikutinya adalah seramai 15 orang dan siri kedua juga seramai 15 orang (Ahmad Nordin 2010:1).

3. Pendidikan: Kursus Pra Perkahwinan

Dalam tahun 2006 sahaja sebanyak enam siri kursus pra perkahwinan telah diadakan iaitu di Kg. Sendrop, Pos Hendrop, Pos Tuel RPS, Kuala Betis, Pos Tohoi dan Pos Kuala Lah (Ahmad Nordin 2010:8).

4. Ekonomi: Bantuan Memeluk Islam

Sebanyak RM400.00 akan diberikan kepada Saudara Baru Orang Asli. Bantuan ini dikeluarkan sebanyak empat kali dalam tempoh tertentu.

5. Ekonomi: Bantuan Kecemasan

Bantuan ini dikeluarkan kepada Saudara Baru Orang Asli yang menghadapi kesulitan seperti sakit atau sedang dirawat di hospital samada untuk diri sendiri, anak dan juga isteri. Setiap orang akan mendapat bantuan ini sebanyak RM150.00.

6. Ekonomi: Bantuan Fakir Miskin

Bantuan bulanan fakir miskin dikeluarkan oleh Unit Agihan di bawah bantuan asnaf fakir miskin. Bantuan ini dikeluarkan atau diagihkan setiap bulan kepada Saudara Baru Orang Asli oleh Unit Dakwah berdasarkan senarai yang diluluskan oleh Unit Agihan. Setiap mereka akan mendapat bantuan ini sebanyak RM100.00 setiap bulan.

7. Ekonomi: Sumbangan Hari Raya

Sumbangan ini dikeluarkan menjelang Hari Raya Aidilfitri kepada semua keluarga Muallaf Orang Asli Islam untuk meringankan bebanan dan memeriahkan suasana sambutan Hari Raya di kalangan mereka di seluruh Negeri Kelantan. Pada tahun 1990 hingga 2004, sumbangan ini berbentuk wang ringgit, tetapi pada tahun 2005 hingga sekarang telah ditukar kepada barang-barang makanan harian yang berjumlah RM92.70 seperti beras pulut, gula, susu, teh, kek, coklat, sardin ayam/daging, minyak masak, bawang, ajinomoto, santan, bihun, ikan bilis dan garam (Ahmad Nordin, temubual).

8. Sosial: Program Ihya' Ramadan

Pada tahun 2006, Unit Dakwah MAIK dengan kerjasama JKOA dan JHEAIK telah mengadakan program berbuka puasa di perkampungan Orang Asli. Program ini diadakan bagi membimbing masyarakat Orang Asli Islam berpuasa dan melatih mereka solat sunat terawih. Beberapa perkampungan Orang Asli menjadi tumpuan oleh pihak MAIK, JKOA dan JAHEAIK. Kampong-kampung tersebut ialah Kg. Limau RPS Betis, Kg. Sendrod, Kg. Ladoi dan Pos Handrop (Ahmad Nordin 2010:10). Dalam tahun 2007, Unit Dakwah MAIK dengan kerjasama Penggerak Masyarakat dan guru agama telah mengadakan beberapa siri program Ihya' Ramadan di beberapa perkampungan Orang Asli iaitu Kg. Jekjok, Pos Lebir, Pos Aring dan Pos Sg. Rual (Ahmad Nordin 2010:10).

9. Sosial: Program Sambutan Hari Kebesaran Islam

Program hari kebesaran Islam yang disambut bersama Saudara Baru Orang Asli diadakan untuk membiasakan masyarakat Orang Asli Islam dengan hari-hari kebesaran Islam yang dirayakan oleh masyarakat Islam di seluruh dunia sesuai dengan tuntutan agama. Dengan itu mereka dapat memahami dan menghayati hari kebesaran tersebut di samping mendengar kupasan tentang peristiwa bersejarah yang terkenal dalam sejarah Islam. Antara Hari Kebesaran yang dilakukan oleh MAIK adalah seperti berikut:

a) Sambutan Hari Raya Aidilfitri

Pada tahun 2005, sambutan Hari Raya Aidilfitri diadakan secara besar-besaran di Pos Sungai Rual Jeli (Ahmad Nordin 2010:5). Manakala Pada tahun 2006, MAIK telah mengadakan sambutan Hari Raya Aidilfitri di Kg. Ber di Pos Tuel pada 14hb hingga 15hb November 2006. Majlis ini diadakan adalah untuk mendedahkan kepada Orang Asli cara sambutan Hari Raya yang disambut oleh umat Islam seluruh dunia (Ahmad Nordin 2010:5). Dalam tahun 2007 pula, majlis sambutan Hari Raya Aidilfitri telah diadakan kepada Saudara Baru Orang Asli iaitu di Pos Pulat, Kg. Kuala Rengil, Kg. Jias, Pos Sg. Rual dan Kuala Koh (Ahmad Nordin 2010:9).

b) Sambutan Maal Hijrah

Pada tahun 2006, Program Maal Hijrah 1427 telah diadakan di penempatan Orang Asli Hulu Kelantan. Dalam program ini Jabatan Perdana Menteri (JPM) menjadi urusetia dengan kerjasama JKOA. Empat penempatan Orang Asli terpilih sebagai lokasi iaitu Pos Tohoi, Pos Pulat, Pos Balar dan Pos Tuel (Jaafar bin Jantan 2006:14). Kemudian pada tahun 2007, Majlis Sambutan Maal Hijrah 1428 telah diadakan di Kg. Lojing, Pos Brooke, Gua Musang. Program ini anjuran bersama MAIK, JAHEAIK, JKOA dan JAKIM (Azami Bin Yusuf 2007:4).

10. Sosial: Pogram Keluarga Angkat

Perlaksanaan program keluarga angkat sangat penting dalam mendekati Muallaf Orang Asli. Pada tahun 2000 hingga sekarang program ini masih dilaksanakan. Sebagaimana pada tahun 2011 program keluarga angkat telah diadakan di Pos Hendrop, Gua Musang. Program ini adalah anjuran MAIK dan JAKIM dengan kerjasama JKOA Kelantan dan JAHEAIK.

Islamic Outreach ABIM Kok Lanas Kelantan (IOA)

IOA adalah satu unit atau jawatankuasa yang berada di bawah biro penataran ABIM. *Islamic Outreach* ABIM (IOA) mula ditubuhkan di peringkat pusat pada tahun 1986 dan dikembangkan ke Kelantan pada 25 Disember 1988. Ia dirasmikan oleh Pengerusi atau Pengasas IOA Pusat pada masa itu, Dr. Zaini Hamzah. IOA adalah salah satu daripada biro-biro dalam ABIM. Tujuan utama IOA ditubuhkan adalah untuk menyebarkan risalah Islam kepada mereka yang belum memeluk Islam serta membimbing mereka setelah memeluk Islam sama ada dari sudut rohani, jasmani, kebajikan, sosial, ekonomi dan sebagainya secara hikmah dengan pendekatan yang sesuai dengan latar belakang mereka. IOA juga akan sentiasa membuat pemantauan selepas mereka memeluk Islam. IOA juga selalu mendekati dan menggerakkan “remaja” agar dapat kembali kepada fitrah Islamiah, di samping menjana barisan sukarelawan yang berwibawa.

Di dalam IOA Kok Lanas Kelantan, terdapat enam unit bahagian yang penting iaitu Unit Program Dakwah kepada Orang Asli (PRODOA),

Unit Reaching-Out Bandar (Saudara Baru), Unit Latihan, Pusat Latihan dan Dakwah Orang Asli (PULDOA), Unit Remaja/Renjer Kembara dan Unit Informasi. Masing-masing mempunyai tugas dan tanggungjawab yang tersendiri (Pamphlet IOA Kelantan 2008).

Pendekatan Dakwah IOA

Pendekatan dakwah yang dilakukan oleh Islamic Outreach Abim (IOA) Kok Lanas Kelantan adalah seperti berikut:

1. Pendidikan: Pusat Latihan dan Dakwah Orang Asli

Pusat latihan dan dakwah Orang Asli (PULDOA) telah diwujudkan oleh Islamic Outreach ABIM di Kok Lanas Kelantan (IOA). Sejak tahun 2003 lagi Pusat ini ditubuhnya sehinggalah sekarang. Ia diadakan adalah untuk melicinkan program-program pendidikan dan latihan terhadap Saudara Baru Orang Asli. Tujuannya adalah untuk membolehkan Saudara Baru dari kalangan Orang Asli memahami dan menghayati akidah yang mantap dengan cara menguasai kemahiran membaca al-Quran dengan baik, memahami dan menghayati akhlak Islam dalam kehidupan harian dan memahami dan menghayati konsep keagamaan sosio budaya dalam Islam (Laporan Tahunan IOA Kelantan 2006/2007). Terdapat dua kursus yang dijalankan di PULDOA iaitu Kursus Pengajian Islam Jangka panjang (KPI) dan Kursus Asas kefahaman Islam (FAHMI). Kursus KPI dijalankan setahun kepada Saudara Baru Orang Asli. Manakala kursus FAHMI pula diadakan selama dua minggu

Dalam Kursus (KPI), Saudara Baru Orang Asli dilatih supaya menghayati Islam sebagai satu cara hidup serta memberi pendidikan sebagai persediaan menghadapi dunia yang serba mencabar. Selain itu, memenuhi hasrat kerajaan membimbing Saudara Baru supaya mereka dapat menimba ilmu agama yang mereka anuti serta untuk melahirkan cendekiawan Islam di kalangan masyarakat Orang Asli dan seterusnya sebagai pendakwah di kalangan mereka. Manakala dalam kursus (FAHMI) yang diadakan selama dua minggu itu pula, program yang dijalankan seperti kelas bimbingan fardu ain, mengajar sembahyang, melatih mereka berpuasa, bersahur serta solat terawih berjemaah. Di samping itu, program ini turut mengadakan bicara atau dialog antara mereka. Pada tahun 2004, sebanyak empat siri kursus Kefahaman Islam

tahap satu telah dijalankan di Pusat Latihan dan Dakwah Orang Asli Kok Lanas. Pada siri pertama, kursus yang diadakan ini pesertanya daripada Pos Pasik, Pos Kuala Lah dan Pos Galang. Manakala siri kedua daripada Pos Pasik, Pos Tuel dan Pos Galang dan siri ketiga pula daripada Pos Tohoi (Laporan Tahunan IOA Kelantan 2003/2004).

Dalam tahun 2005 dan 2006, IOA Kelantan telah mengadakan beberapa aktiviti di bawah pusat ini. Antaranya Kursus Asas Kefahaman Islam telah diadakan di Lata Belatan Besut Terengganu, di PULDOA, Pos Tohoi dan Pos Tuel. Selain itu, program pemantapan sahsiah pelajar muslim (MANTAP 05) juga diadakan di PULDOA Pada tahun 2007, seramai 28 orang pelatih telah diambil untuk mengikuti kursus-kursus yang dibuat oleh IOA Kelantan. Antaranya 15 orang daripada pelajar lelaki dan 13 orang daripada pelajar perempuan. Berikut adalah bilangan pelajar bagi setiap Pos sebagaimana jadual 1:

JADUAL 1. Bilangan pelajar mengikut pos

Pos	Lelaki	Perempuan
Pasik	5	1
Tuel	3	-
Tohoi	3	3
Kuala Wok	-	5
Simpor	-	1
Hau	1	-
Kuala Mu	3	4
Jumlah	15	13

Sumber: Laporan Tahunan IOA ABIM Kelantan 2006/2007

2. Ekonomi

Dari segi ekonomi, pada tahun 2003 hingga 2005 pihak Institusi Orang Asli (IOA) Kok Lanas telah menjalankan beberapa projek ekonomi untuk meningkatkan pendapatan masyarakat Orang Asli. Antara projek yang dijalankan seperti projek pelihara kambing diadakan di Pos Tuel dan Pos Tohoi. Manakala projek pertanian seperti tebu, jagung, salak dibekalkan kepada penduduk di Pos Tuel, Kuala Wook dan Pos Pasik dan projek kedai runcit di Pos Pasik (Laopran Tahunan IOA Kelantan

2003/2004). Dalam tahun 2006 pula, projek ternakan ikan keli telah diadakan pada 07hb Disember 2006 dengan jumlah ikan sebanyak 10,000 ekor diusahakan dalam 20 unit kolam kanvas berukuran 5 kaki x 15 kaki yang disumbangkan oleh Jabatan Perikanan bernilai RM30,000.00, satu kolam simen dan satu kolam sangkar. Seramai 4 orang pelajar lelaki Orang Asli telah diupah untuk memberi ikan-ikan ini sebanyak dua kali sehari dengan bayaran sebanyak RM15.00 setiap bulan (Laporan Tahunan IOA Kelantan 2005:2006).

3. Sosial: Program Ihya' Ramadan

Pada tahun 2005, Unit Program Dakwah Orang Asli (PRODOA) IOA ABIM Kok Lanas Kelantan telah mengadakan program terbuka puasa bersama Muallaf Orang Asli yang melibatkan 81 sukarelawan di 10 Pos Orang Asli. Jadual 2 menunjukkan tarikh program diadakan.

JADUAL 2. Tarikh dan bilangan Pos bagi Program Ihya' Ramadan 2005

Tarikh	Pos
8- 14 Oktober 2005	6 Pos Orang Asli
16- 21 Oktober 2005	1 Pos Orang Asli
24-28 Oktober 2005	3 Pos Orang Asli

Sumber: Laporan tahunan IOA ABIM Kelantan 2005/2006

Dalam tahun 2007, sebanyak tiga siri Program Ihya' Ramadan yang diadakan oleh pihak Islamic Outreach Abim (IOA) di perkampungan Orang Asli dengan kerjasama sukarelawan Islamic Outreach Abim. Program ini diadakan adalah untuk melatih saudara baru Orang Asli menjalani ibadah puasa dan menerangkan kepada Saudara Baru Orang Asli tentang kelebihan dan fadilat berpuasa pada kesihatan tubuh badan. Program ini telah diadakan di beberapa Pos Orang Asli iaitu di Pos Pasik, Pos Simpoh, Pos Kuala Wok dan Pos Tohoi (Pamphlet IOA Kelantan 2007).

Jabatan Kemajuan Orang Asli Kelantan (JKOA) Kelantan

Jabatan Hal Ehwal Orang Asli Negeri Kelantan telah ditubuhkan seawal tahun 1953/ 1954. Pejabatnya terletak di Kg. Bertam, Gua Musang, Kelantan. Pada tahun 1969 pengurusan hal ehwal Orang Asli telah dipindahkan dan beribu pejabat di Kuala Krai. Pada masa ini, hal ehwal Orang Asli di Negeri Pahang mencantumkan pentadbirannya termasuk Negeri Terengganu dan dikenali sebagai Jabatan Kemajuan Orang Asli Negeri Pahang dan Terengganu. Disebabkan liputan pentadbiran Orang Asli Negeri Pahang begitu luas, maka pada tahun 1982 pengurusan hal ehwal Orang Asli di Negeri Terengganu telah dipindahkan ke negeri Kelantan dan serentak dengan itu pengurusan dan pentadbiran hal ehwal Orang Asli di kedua-dua negeri ini di letakkan di bawah Jabatan Kemajuan Asli Negeri Kelantan dan Terengganu dan beribu pejabat di Jalan Sultan Ibrahim, Kota Bharu. Pada tahun 1986, ibu pejabat Jabatan Kemajuan Orang Asli Negeri Kelantan dan Terengganu dipindahkan pula ke bangunan Wisma Persekutuan, Jalan Bayam, Kota Bharu sehinggalah sekarang.

Sebagai sebuah jabatan yang berorientasikan pembangunan sosio-ekonomi dan kebajikan terhadap masyarakat Orang Asli maka setiap bentuk operasi yang dilaksanakan adalah berlandaskan kepada pencapaian matlamat bagi memastikan taraf hidup masyarakat Orang Asli setanding dengan masyarakat umum di negara ini. Jabatan ini mempunyai beberapa objektif tertentu seperti membasmi kemiskinan di kalangan Orang Asli menjelang tahun 2020, mengurangkan jurang perbezaan pendapatan, pendidikan, kesihatan dan akses kepada kemudahan-kemudahan asas antara masyarakat Orang Asli dengan masyarakat umum di Malaysia, meningkatkan keupayaan, keyakinan diri, ketabahan, ketrampilan dan imej, disiplin, daya tahan dan daya saing masyarakat Orang Asli serta menghapuskan segala bentuk pandangan dan tanggapan negatif serta penyisihan oleh masyarakat umum ke atas masyarakat Orang Asli dan kemudian meningkatkan tahap kesihatan Orang Asli serta menghapuskan segala jenis penyakit. Di Jabatan Kemajuan Orang Asli Kelantan terbahagi kepada beberapa bahagian iaitu Pengurusan Am, Pembangunan Ekonomi, Infra Sosial, Penyelidikan dan Penerangan, Bahagian Latihan, dan Bahagian

Nota Hujung

- ¹ Muhibb Abdul Wahab, “Dakwah Humanis: Etika Dakwah Nabi Ibrahim AS”, *Jurnal Dakwah dan Komunikasi*, Fak.Dakwah UIN Syarif Hidayatullah, Jakarta: Vol.VI No.2, 2004, h. 111.
- ² Ibid.
- ³ Amrullah Achmad, *Dakwah Islam dan Perubahan Sosial*, Prima Duta Yogyakarta, 1983, h.2.
- ⁴ Ahmad Watik Pratiknya, “Dakwah Perlu Diforamt Ulang,” *Republika*, 20 April 2005, h. 4.
- ⁵ Muhammad Rasyid Ridha, *Tafsir al-Manar*, Juz.I, h. 42.
- ⁶ Ahmad Mustafa al-Maraghi, *Tafsir al-Maraghi*, juz XIV, h. 156
- ⁷ M. Quraish Shihab, *Tafsir al-Mishbah: Pesan, Kesan dan Keserasian al-Quran*, Vol. 7 (cet. I; Jakarta: Lentera Hati, 2000), h. 385-386.
- ⁸ Sayyid Qutb. 1408 H/1987 M. *Tafsir fi Zilal al-Quran*, cet. XIV, Cairo: Dar al-Syuruq, h. 2202.
- ⁹ M Natsir, *Fiqh Da’wah*, Jakarta: Dewan Dakwah Islamiyah Indonesia, 1978, h. 132-133.
- ¹⁰ Nurcholis Madjid. 1998. *Islam, Kemodernan dan Ke-Indonesiaan*, Bandung: Mizan, h. 286.
- ¹¹ Jalaluddin Rakhmat, *Islam Aktual, Refleksi Sosial Seorang Cendekiawan Muslim*, Bandung: Mizan, 1998, h.86.
- ¹² M.Yunan Yusuf, “Internalisasi Etika Islam ke dalam Etika Nasional: Agenda Pemikiran Islam dalam Mellinium Baru,” (Jakarta: pidato pengukuhan Guru Besar UIN Syarif Hidayatullah Jakarta, 1998).
- ¹³ Bukhari, *Dakwah Ahlulbait di Indonesia*, Jakarta: Safira, 2009, h. 228.
- ¹⁴ Zulkiple Abd Ghani. 2004. *Dakwah Tarekat Tasawuf di Malaysia: Relevansi dan Cabaran*. Penerbitan Jabatan Pengajian Dakwah dan Kepimpinan Fakulti Pengajian Islam Universiti Kebangsaan Malaysia, hal. 6-9.
- ¹⁵ Alwi Shihab. 2001. *Islam Sufistik “Islam Pertama” dan Pengaruhnya hingga kini*, Bandung: Mizan, h.13 (Penelitian untuk meraih gelar

doktor di Universitas Aim Syams Mesir) tentang proses Islamisasi atau proses dakwah yang dilakukan para Walisongo dengan metode sufistik di Nusantara. Hasil penelitiannya sudah diterjemahkan ke dalam bahasa Indonesia dalam bentuk buku dengan judul tersebut.

- 16 Alwi Shihab. 1997. *Islam Inklusif Menuju Sikap Terbuka dalam Beragama*, Bandung; Mizan, h. 256.
- 17 _____ . *Islam Sufistik....* h.13.
- 18 Syekh Ali Mahfuz. 1979. *Hidayatul Mursidin Ila Thuruq al Wa'zi wa al-Khitabah*. Beirut: Darul Ma'arif, h. 16.
- 19 M.Arifin, Psikologi..., h. 29
- 20 IAIN Imam Bonjol. 1991. *Al Turas*, Padang: Badan Penerbit IAIN IB, h. 79.
- 21 M. Arifin, Psikologi..., h. 16.
- 22 Departemen Agama, RI. 1990. *Majalah Gema*. Jakarta: Penerbitan nomor 52 tahun XI, h. 36.
- 23 M.Arifin, Psikologi..., h. 14.
- 24 Pimpinan Muhammadiyah Pusat. 1985. *Majalah Suara Muhammadiyah*, Jakarta: penerbitan nomor 7/65, h. 31.
- 25 M Natsir, Fiqh Da'wah, Jakarta: Dewan Dakwah Islamiyah Indonesia, 1978, h. 132-133.
- 26 Ibid.
- 27 Hodari HS, Rhetorika Dalam Khutbah Jum'at, Surabaya: Bina Ilmu, 1982, h. 14.
- 28 K.H.M.Isa Anshari, Mujahid..., h. 173.
- 29 Zakiah Daradjat. 1981. *Peranan Agama dalam Kesehatan Mental*. Jakarta: CV Mas Agung, h. 10.
- 30 Team Redaksi Majalah Bulanan. 1990. *Suara Masjid*. Jakarta: Ikatan Masjid Indonesia, penerbitan nomor 185, h. 25.
- 31 Yahya Jaya, *Al Turas...* , h. 59.

Kesihatan dan Perubatan. Bahagian-bahagian ini mempunyai tugas dan tanggungjawab tertentu (Pamphlet JKOA Kelantan 2008).

Pendekatan Dakwah JKOA Kelantan

Antara pendekatan dakwah yang dijalankan oleh JKOA Kelantan adalah sebagaimana berikut:

1. Pendidikan

Setiap tahun JKOA Kelantan melaksanakan program-program berbentuk pendidikan seperti Motivasi Pelajar, Tuisyen, Lawatan Sambil Belajar, Tabika dan Pusat Penggalak Pembaca. Program ini dilaksanakan kepada pelajar-pelajar Orang Asli di Kelantan dan Terengganu untuk meningkatkan kemahiran pembelajaran. Tumpuan diberikan kepada pelajar-pelajar Orang Asli yang akan menduduki peperiksaan Ujian Penilaian Sekolah Rendah (UPSR), Penilaian Menengah Rendah (PMR), Sijil Pelajaran Malaysia (SPM) dan Sijil Tinggi Persekolahan Malaysia (STPM) (Huraizah Bt.Mohd.Yusuf, temubual). Pada 26hb hingga 27hb Februari 2007, JKOA Kelantan telah mengadakan satu program motivasi kepada murid-murid di perkampungan Orang Asli Sg. Rual Jeli. Dalam program ini, ibubapa juga turut serta dalam menjayakannya. Ini kerana ibubapa turut memainkan peranan dalam menangani masalah pembelajaran anak-anak mereka terutamanya semasa di rumah (Azami Bin Mohd.Yusuf 2007:7).

Pada tahun 2007 juga, beberapa program telah diadakan kepada pelajar-pelajar Orang Asli. Antara program yang diadakan seperti Program memperkasakan Pelajar Orang Asli yang diadakan di Gua Musang, Program Kem Kelas Intervensi Awal Membaca dan Menulis (KIA 2M) di Gua Musang, tuisyen di Pusat Tuisyen Gua Musang, teknik menjawab soalan peperiksaan PMR dan SPM 1 diadakan juga di Gua Musang, teknik menjawab soalan peperiksaan PMR dan SPM 2 juga bertempat di Gua Musang, Program Pra Peperiksaan PMR diadakan di Kolej Risda Bukit Sireh, Kuala Krai, Program Pra Peperiksaan SPM juga diadakan di Kolej Risda Bukit Sireh, Kuala Krai dan Program Kecemerlangan UPSR diadakan di SK. Kiat Kadok (Laporan Tahunan JKOA Kelantan 2007:7).

2. Ekonomi

JKOA Kelantan dengan kerjasama agensi-agensi lain telah melaksanakan pembangunan tanah ladang. Apa yang dilakukan oleh pihak JOA ini merupakan satu perusahaan untuk masyarakat Orang Asli memperolehi pendapatan yang setimpal. Antara projek yang dijalankan seperti projek tanaman kelapa sawit dan getah di RPS Kuala Betis, Gua Musang dan Sungai Rual Jeli, projek tanaman pisang di PSK Blau dan Kuala Betis, Gua Musang, projek tanaman sayur-sayuran dan keledak di Kg. Mendrod, Pos Brooke Gua Musang. Manakala pada peringkat wanita, belia dan beliawanis, mereka dihantar mengikuti kursus jahitan dan bengkel motor di Kuala Betis. Selain itu ada juga dandanan rambut, membaiki komputer dan kursus binaan turut dianjurkan. Ini merupakan satu kemahiran untuk belia dan beliawanis Orang Asli menceburi bidang-bidang tersebut. Ia selaras dengan objektif JOA adalah untuk membasmi kemiskinan masyarakat Orang Asli menjelang tahun 2020 dan memastikan masyarakat Orang Asli keluar daripada garis kemiskinan menjelang tahun 2010. Selain itu, dari segi ekonomi juga, murid-murid sekolah menerima bantuan beg sekolah. Bantuan ini diagihkan kepada pelajar Orang Asli sekolah Kuala Betis. Penyampaian bantuan beg sekolah ini diadakan pada 6 Februari 2005 di Sekolah Kebangsaan Kuala Betis. Tujuan utama pemberian beg sekolah ini adalah untuk menggalakkan anak-anak murid membudayakan membawa beg ke sekolah (Widuri 2005:9).

Kesimpulan

Secara kesimpulannya, pelbagai pendekatan dakwah yang telah dilaksanakan oleh MAIK, IOA, JKOA Kelantan iaitu dari segi pendidikan, ekonomi, dan juga sosial. Program-program ini amat penting dilakukan kepada Muallaf Orang Asli bagi memastikan pemelukan dan peningkatan penghayatan Islam di kalangan Muallaf Orang Asli terhadap dakwah sentiasa berterusan. Apa yang dilakukan oleh pihak jabatan ini akan menarik minat mereka terhadap Islam kerana memeluk Islam bukan perkara yang membebankan mereka malah mereka akan lebih terurus dalam kehidupan. Dengan adanya pendekatan ini, masyarakat Muallaf Orang Asli dapat meninggikan taraf hidup mereka ke arah yang lebih baik agar mereka merasa diri

mereka diambil berat oleh pihak-pihak tertentu. Namun begitu, terdapat pendekatan dakwah lain yang boleh dilaksanakan oleh pihak-pihak di atas seperti dari sudut teknologi maklumat yang akan mampu memberi kesan yang lebih baik ke atas aktiviti dakwah yang dilakukan. Ia sesuai dengan ledakan teknologi tersebut pada masa kini.

Rujukan

- Ahmad Nordin. 2010. *Laporan Aktiviti Dakwah kepada Orang Asli*. Laporan Tahunan. MAIK.
- Azami Bin Yusuf. 2007. *Nong Pai*. Edisi 1. Kota Bharu: Jabatan Hal Ehwal Orang Asli Negeri Kelantan/Terengganu.
<http://www.maik.kelantan.gov.my/dakwah.php> (29 Februari 2008).
- Jaafar bin Jantan. 2006. *Info JHEOA Menjana Minda Masyarakat*. Edisi 3. Kuala Lumpur: Jabatan Hal Ehwal Orang Asli.
- Khalid bin Abdul Rahman. 2003. *Buliten Semasa*. Bil 1. Jabatan Hal Ehwal Orang Asli Kelantan: Bahagian Unit Penerangan.
- Laporan Tahunan. 2007. JKOA Kelantan.
- Laporan Tahunan. 2005. JKOA Kuala Lumpur.
- Laporan Tahunan. 2006/2007. IOA ABIM Kelantan.
- Laporan Tahunan. 2003/2004. IOA ABIM Kelantan.
- Laporan Tahunan. 2005/2006. IOA ABIM Kelantan.
- Mohd Zamri Mustajap. 2002. *Pendidikan Dimensi Baru Masyarakat Orang Asli*. Kuala Lumpur: Kementerian Pembangunan Luar Bandar.
- Norhazani Ahmad 2009. Pendekatan Program Dakwah Terhadap Orang Asli: Kajian di Majlis Agama Islam dan Adat Istiadat Melayu Kelantan. Latihan Ilmiah. Bangi: Universiti Kebangsaan Malaysia.
- Pamphlet IOA Kelantan. 2007. Program dakwah Orang Asli (PRODOA), Program ihya' Ramadan.
- Pamphlet IOA Kelantan. 2008. Islam Is The Perfect Religion For Mankind.
- Pamphlet JKOA Kelantan. 2008. Bahagian Pengurusan Am.
- Rohani Ariffin. 2009. MAIK: Peranannya terhadap Penyebaran Dakwah di Kalangan Orang Asli. Latihan Ilmiah. Bangi: Universiti Kebangsaan Malaysia.
- Widuri. 2005. *Gah Num Pejabat Negeri Kelantan dan Terengganu*. Edisi 1 Feb-Ogos. Kelantan: Jabatan hal Ehwal Orang Asli.

dari-Nya, Surga itu kebenaran dan neraka itu kebenaran. Allah memasukkan ke dalam syurga mengikut amal yang telah dilakukan oleh seseorang. (H.R.Bukhari dan al-Tarmizi).

Hadis tersebut menjelaskan tiga dasar penting yang terdapat dalam akidah Islamiyah, yang diwajibkan oleh Islam kepada umatnya supaya mereka mengetahui dan beriman:

Pertama: Mengenal dan beriman dengan Allah SWT dan sifat-sifatNya, ini dikenal dengan istilah (al-Ilahiyyat).

Kedua: Mengenal dan beriman dengan perantara(al-wasilah)diantara Allah SWT dan hamba-hambaNya yaitu beriman dengan para rasul, malaikat dan kitab-kitab.Ini diistilahkan dengan (al-nubuwwat).

Ketiga: Mengenal dan beriman dengan hari kebangkitan, hisab, pembalasan dan lain-lain. Ini diistilahkan dengan (al-samiyyah).

Kesimpulannya kebenaran-kebenaran yang terdapat dalam akidah Islamiyah hendaklah dipahami oleh umat Islam. Pemahaman mereka itu seharusnya berjalan seiring dengan pelaksanaan terhadap amal-amal yang menjadi syarat bagi kesempurnaan akidah tersebut. Ini bertujuan supaya akidah tidak tinggal sebagai teori saja, tetapi diamalkan kebenaran-kebenarannya yang dapat mendatangkan manfaat kepada individu dan masyarakat.

Akidah dan Kesempurnaan Insan

Dari uraian diatas menunjukkan bahwa iman yang benar itu bukan hanya suatu teori atau pengakuan hati saja tanpa adanya amal dan perbuatan. Sesungguhnya iman itu ialah akidah, amal dan keikhlasan. Di samping itu, iman seringkali digandengkan dengan amal shaleh. Amal shaleh yang penulis maksud ialah setiap perbuatan yang dapat membawa kebaikan di dunia dan di akhirat apakah ia untuk kebaikan individu dan masyarakat atau kebaikan kerohanian dan kebendaan. Oleh sebab itu, akidah adalah asas atau dasar kesempurnaan hidup manusia atau insan.

Kesempurnaan insan ada hubungannya dengan konsep *muttaqun* dan *muflihun* sebagaimana firman Allah SWT dalam surat al-Baqarah ayat 1-5 yang bermaksud: